

me : \* Dómine misericórdia tua in sæculum : ópera mánuum tuárum ne despicias.

Psalmus 144.

EXALTABO te Deus meus rex : \* et benedicam nómini tuo in sæculum, et in sæculum sæculi.

Per singulos dies benedicam tibi : \* et laudábo nomen tuum in sæculum, et in sæculum sæculi.

Magnus Dóminus et laudábilis nimis : \* et magnitúdinis ejus non est finis.

Generátio et generátio laudábit ópera tua : \* et poténtiam tuam pronuntiábunt.

Magnificéntiam glóriæ sanctitátis tuæ loquéntur : \* et mirabilia tua narrábunt.

Et virtútem terribílium tuórum dicent : \* et magnitúdinem tuam narrábunt.

Memóriam abundantíæ suavitátis tuæ eructábunt : \* et justítia tua exsultábunt.

Miserátor et miséricors Dóminus : \* pátiens, et multum miséricors.

Suávis Dóminus univérsis : \* et miseratiónes ejus super ómnia ópera ejus.

Confíteántur tibi Dómine

ómnia ópera tua : \* et sancti tui benedicant tibi.

Glóriam regni tui dicent : \* et poténtiam tuam loquéntur :

Ut notam fáciant filiis hóminum poténtiam tuam : \* et glóriam magnificéntiæ regni tui.

Regnum tuum regnum ómnium sæculórum : \* et dominátio tua in omni generatióne et generatióne.

Fidélis Dóminus in ómnibus verbis suis : \* et sanctus in ómnibus opéribus suis.

Allevat Dóminus omnes, qui córruunt : \* et érigit omnes elísos.

Oculi ómnium in te sperant Dómine : \* et tu das escam illórum in témpore opportúno.

Aperis tu manum tuam : \* et imples omne ánimam benedictióne.

Justus Dóminus in ómnibus viis suis : \* et sanctus in ómnibus opéribus suis.

Prope est Dóminus ómnibus invocántibus eum : \* ómnibus invocántibus eum in veritáte.

Voluntátem tíméntium se fáciat, & et deprecatióne